

新鄉縣志

卷首之六

序 名氏 凡例
目錄 圖說 表

冊

第

寄贈

中華民國廿四年四月廿日 收到

150.71
341
126

其在庚申余自湯陰調任緡關縣志卽擬重脩而鞅掌簿書未及也如是者又數年乃得博采群編旁搜故簡邑內之殘碑斷碣亦不訪求摹搨以資參證其故家遺族學有淵源群稱碩彥者判續餘閒相與諮諏商榷復進諸生之賢而有文者令其編纂綴屬而余親加裁定焉補舊志之缺刪舊志之訛稍仿史體爲十一圖四表十九志十二列傳夫志以彰往示來亦非徒徵文考獻益其事甚難何可苟焉而已哉卷帙粗完務官武陟匆匆付梓深愧疏蕪嗣而脩之是在作者昔乾隆丁卯澗月下浣知新鄉縣事奉新

緡關元序

萬歷己卯新鄉縣志後序

嘗謂爲貢地志也乃經中之史自周禮有小史掌邦國之志而後之志郡邑者宗之稽往牒以鏡前修志顧可少哉新鄉古鄘地在金元爲衛輝路逮我皇明混一區宇建縣隸衛當秦晉燕魯之孔道丁丑夏來令茲邑甫下車首詢故志蓋僅自陽谿王公嘗一草創之而竟未就文獻無徵考詢奚賴予用是惴惴懼矣爰謀諸耆彥李公承寶郭公從可相與遠稽古籍近搜舊帙嚴義例覈名實析爲七卷七卷列而邑之大畧備矣夫志者經世之具有裨于實用非徒以觀美爲也是故觀于戶口之豐耗而知勞來休息之方觀于賦役之繁簡而守劑量均平之則觀于土田之肥瘠而嚴改竄冒隱之禁觀于風俗之美惡而審化導轉移之機觀于人才之盛衰而急作新課教之法其他循星土以察災祥窺形勢以示守禦修陂塘以時蓄洩秩祀典以昭崇報凡此皆邑之大事皆志之所以爲訓也予不敏方懷製錦無能乃幸邑有賢者亟成是書朝夕省覽以爲酌古準今之助其庶幾可免于大戾也夫若曰因其質而文之訂其闕而補之則有俟于後之君子萬歷己卯知縣會稽余相跋

新鄉縣志卷首 舊序

萬歷甲午新鄉縣志序

新鄉隸衛郡康叔舊封也傳記孔子適衛嘆生民之庶垂富教之訓是民非富教奚以立然文獻無徵即富教曷稽焉此志之所不可缺也乃邑當八省午道供輸繁難有司者惟簿書送迎是騫志自弘正以前皆不可考嘉靖初邑侯茹公始輯成編歲久散佚脫畧無次萬歷丁丑會稽余侯復徵邑人靈山衛教授李君承寶暨

先封君黃岡公彙次遺編參考省郡二志通典諸書閱歲餘脫藁成帙歷今幾二十禩中間政治之得失賦役之增減公署之廢置物產之豐耗與夫戶口多寡人物興替俗尚推移前志所不及載者更多也歲甲午廣武盧公蒞政三年績成報最將破內召行矣復有慨于斯典曰政以翊治志以詳政春秋令尹子文以政告新令尹孔子嘉其忠邑之乘皆政之劔也任其缺畧而弗脩則治體民風今且不習來將奚鏡乎為禮博士唐君陳君主其事而簡弟子員之醇博者偕次焉剏繁補缺視昔益脩開卷犁然嗚呼政不在茲哉公因問序於余夫往志庭梧已序之矣又何加焉雖然志者因時紀事因事宜民匪他圖籍埒一成而不可變者初公之下車也值頻歲荒稔民靡安業公軫瘡痍務休養生息而不妄嘗以操切之劑如平徭役減條鞭裁供應緩徵輸蘇驛遞撫流移興學

新鄉縣志卷首 舊序

二

造士修廢舉墜要皆一邑之重務而可傳也來者披卷究心嚴輿地之防明建置之規核政教之實鑒宦蹟人物之臧否及選舉藝文之升降並採成事使民者繼庶而富繼富而教追孔聖之訓還康叔之舊皆不朽之澤矣忠猷孰懋焉用是不揣謏陋而申言之萬歷甲午季夏都察院右僉都御史邑人郭庭梧序

余歷覽吾邑風氣之會左王屋右淇澳黃河經其南衛水絡其北神禹之平成殷湯之允殖康叔文武之作新與夫比干共姜之所為忠義岳武穆北征之所為克捷後先輝映而今銷落之餘寥寥盡矣嗟此遺黎一困於災疫再困於饑荒三困於征輸星火之急逝者未歸死者過半令此者扶凋起瘵之不遑何遑於志邑之有志創自嘉靖茹侯逮萬歷已卯余侯重加增訂亦既備美可觀矣然時有以近俗有沿革事有增損制有合違此際正需司馬才濟

纂述任者邇敬南盧侯來令茲土三年政通人和暇取邑志以屬
博士唐君俾與邑之博雅者共剖見聞而侯復一一釐飭之既成
命余序諸簡余惟史國之大典而志則郡邑一大典也必其諒而
核確而贍非可以苟且了局者也嘗聞之汾陽孔氏云邑令之務
有急於史者文書盈於几閣則應務之難車馬填於道路則奔走
之難掾吏委於刀筆則檢閱之難功課析於米鹽則催辦之難且
歲月無久任之時載乘無世家之系欲以博咨精究昭垂不朽可
易言哉邇侯於撫字之餘首注於是殫心焦思遠稽近考竟成鉅
牒一展卷而新邑之四方上下往古來今公私鉅細無不鏡鑑而
燭照焉迄今按其所載若躔次覈而欽若昊天者益有資山澤詳
而祖識地德者益有據宦蹟續而益可以觀政在國人物備而益
可以觀俗在野賦役戶口犁而益可以驗休息滋養風尚規制列

新鄉縣志卷首 舊序

三

而益可以勤挽回補救記頌詩賦彙而益可以彰察勝跡昭著人
文土宜庶植畢舉而益可以殫人官之能別物曲之利侯真大有
造於新邑也已若夫畸行異政振敝蕪疲庶幾復見先王之舊事
事入人心版又豈筆楮所能盡哉萬歷甲午六月都察院左僉都
御史邑人梁問孟序

郡邑有志倣列國之史也詎能外言與事哉建白謂言文章亦言
畫一謂事損益亦事道有升降政由俗革後之視今亦猶今之視
昔迺其中增廓變遷歲月不同而歸純反正勢必循其近而入以
漸譬之水狀習坎而輒止下何以承其波此續志之不可缺也新
鄉之志肇修於聖天子已郊之禩則李外翰郭封君余令三君子
纂成之名列志中茲不述歷今星霜幾二紀矣余庚寅來視邑篆
見其地頗膏腴民多遊惰往往急私緩公遂末棄本及考舊志詢

故老又有未盡然者豈世變為之乎夫三代好尚小人且有弊焉
氣運循環盛世不能強也儻紀載有據君子視以為從違世道或
賴之矣予始至溝災疫甫紓庶務廢閣租賦繁難拮据而未暇越
四禩為今之甲午始協邑博唐君仁喚陳君至言靳君有德採集
彙附以續二十年中之言與事遠存創始之舊近列增益之規上
接旁蒐之畧下昭考據之詳鑿鑿實錄鄉大夫序諸簡端文獻以
彰矣予叨司牧是當為一方惇典則也得以跋之併付剞劂氏云
萬歷甲午知縣永年盧大謨跋

崇正新鄉縣志序

余讀南史稱顧野王著國史記傳及輿地志而江南典章文物賴
之以存昔鄭端簡著吾學編九論述必究悉於其人家乘輿頌
考遺問寔而不敢臆斷是以可信可傳我明興刊行一統志而又

新鄉縣志卷首 舊序

四

有省志郡志縣志各紀方物不既多與蓋一統志識其大也病畧
而不舉至省郡縣而加詳焉則識其備也然繁而不寔穢而不正
亦其病也武功小邑也經康對山操觚而海內推尊然則家乘輿
頌考遺問寔固非縣志不備若闕焉若畧焉即有絕代手筆黼黻
國史又何據以為信從乎故寔而不繁正而不穢即足以殫究典
實昭示來茲非僅僅小物之勤也吾新邑舊無志始自嘉靖茹公
至會稽余公而成帙迨永年盧公復新之一邦之書獲有完策觀
梁郭兩中丞序言風雅足述焉迄今四十餘年未經編輯能無盛
衰治亂今昔不同時因革損益前後不一規者乎况吾邑于衛稱
材藪諸先達簪筆奮起若馬郭兩君子皆後先館局司國史而
於鄉里風尚顧未有筆削豈其有所俟與方余授館員竊有志而
未遑再隸西掖羽書日以數上又未能磨墨問前徽也安化米公

雅夙尚而嫻於武畧保障禦侮之暇披觀邑志遂命一時多聞之士訪故家之傳求長老之說相與討類而修舉之燦然明備矣遣使問序於余余謂茹余草創者也草創者見其大端而已米公修飾潤色者也將奮起而續顧野王鄭端簡之爲文之爲人豈徒記名姓而已哉異日叅錯總志宣付國史將與武功共稱不朽矣米公弭盜修城清蠹救災善政堪垂青史者不一又何煩縉彥之贅云崇正十三年季春兵科都給事中邑人張縉彥序

順治新鄉縣新志序

在屠維大淵獻少司空坦公先生揖余曰吾邑新鄉舊有志然於古多畧如牧野汲冢黃沁河渠栢舟鄘風等悉不載懼其闕而莫攷也是以更爲一編名曰新鄉新志今將成子其爲之序余受讀未竟作而嘆曰甚矣先生之嫻於史也夫今之志即古之

新鄉縣志卷首 舊序

五

史大之紀一代之興廢與夫一國之山川土田民物風俗及當時君公卿大夫言動之媿惡以昭勸懲垂將來推之一邑一鄉之有紀載取義皆然典至重也故孔子言夏殷之禮而病杞宋之無徵則往事之不可不詳昭昭已新鄉雖於今爲邑然在成周本康叔封域親沐作新之化地接太行王屋蘓門百泉諸名勝咸在襟帶間衛水繞北郭滌洄而東靈秀所鍾今昔一揆觀感之資足述者殆指不勝屈如之何其可或遺也故先生之爲此志也殫精探索自唐虞以降四千年之故實莫不臚若列眉幽而象緯顯而流峙微而淑慝脩三才之理綜萬彙之情或瞻而覈或簡而該厠之作者之林蔚宗以還定當避席洋洋巨觀哉乃余讀是編而更不能不有慨於中者前此二十餘年間蓋嘗兩過是地初至之日但見其受東西之衝輪蹄接踵民歌勞止然猶存熙攘之舊覓尼山

哉一嘆依稀未遠及其後也則滄桑幾更原野非昔獨雉堞巍煥
郊關以外故壘尚新耳嗟乎有興作即有征輸有變遷必有治亂
天下者一邑之積也俯仰興懷何能不望於修救之人今者景運
維新新鄉為河朔名區承流最邇凡蒞是土者攷古證今察戶口
登耗之由究治化升降之故往事足師不越几席而得之乃無負
先生以志為史之苦心云爾順治己亥秋日大學士劉正宗序
蓋聞天道無常故星日有薄蝕之變地勢至厚而陵谷有遷移之
時然其間幹旋轉運俾三辰不失其次河獄咸循其紀則在乎人
事之修舉而已人事修舉責諸君相而史臣之職實為之龜鑑故
曰域中有三權曰天曰君曰史官此非虛言也史在於朝則為一
代之書史在於邑則為一邑之志志顧不重哉新鄉古鄘地殷先
王之膏澤沐浴最深其後雖染于妹土而保乂之化肇自孟侯殆
與伊洛豐鎬同其熙洽其析汲獲嘉二邑地置新鄉則叛于隋累
代因之山川形勢左孟門而右太行人民風俗勤播種而尚孝弟
洵河朔要區哉前志雖有可觀兵燹之後因革固已不同名公碩
儒之懿行騷人文士之纂述更多未脩適大中丞膠侯賈公持節
豫州檄郡縣各修厥志新鄉之志則請于少司空坦公張先生曰
先生搢觚司海內文衡以矣若蒸蒸日上繼龍門扶
風助是非賞罰之權茲一邑之志聊摭所懷其鄧林之一枝而崑
山之片玉也歟先生曰是役也余不可以辭于是含毫吮墨纂要
鉤元詢諸故老之傳聞與夫貞珉之鐫刻且傍採博蒐自經史以
及諸子百家里歌巷謠凡有關涉莫不摭摭網羅無所迭替至於
恒星分野七政東行之說則又與余投書辨論而先生獨得其精
微然則雖一邑之志君子觀之以為有良史之才焉余故樂為述

而敘之俾後之覽者知夫一邑之中亦有天地古今之變物宏瑰
偉之觀而幹旋轉運安民阜物必有待于邑之良有司與鄉之耆
德而好學者此物此志也夫順治己亥八月六學士柏鄉魏裔介
序

將以是非得失與壞理亂之故而為世戒則必得其所托而後能
傳久遠而不廢則史是也繇史而降省有通志郡州邑有志其
取義皆裁于史亦有與史異者蓋史于善惡無所不書而志者蓋
一區之中其山川人物文章風俗之美懼後世之淹淪磨滅而無
所傳也志而存之苟其山川之陋人物之惡文章風俗之偷薄而
不倫皆不書此其所以與史異也然所以存勸懲備觀效使善人
喜其見傳則勇於自立惡人無所紀取則以懼且悔蓋亦有微權
焉世之衰也子孫欲褒揚其祖父而不本乎理道邑之公卿大夫

新鄉縣志卷首 舊序

七

懼蓋棺之無以見書於史也思欲托于志以傳立言者皆莫之拒
而不為又且迫于其情也書其惡焉則人情之所難出于是乎志
始不寔志不實而作志之權始不尊後有作者當觀其人苟托之
非人其所書非遺則濫遺且濫故不足以行世而傳久遠雖一邑
之中其有嘉言善行迄一節之足傳者亦皆湮滅無聞然則受是
托者非具識力而能文章鮮能勝任蓋具識力者於人之善固不
能欺而於人之惡亦無能掩如是則不遺不濫矣苟其言之不雅
馴則難以致遠故又在其文辭之工焉新鄉坦公先生所稱具識
力而能文章者也其邑志雖奉豫中丞賈公檄寔出先生之手酌
舊志之所詳畧而一衷於理道既無所遺又無所濫洋洋乎大觀
也哉史家首推班馬嘗考遷自作史記恣所欲言而固奉詔為漢
書不無避忌遷文豪俠而固謹細固其所也先生今日無功令迫

於上無子孫陳情於下恣所欲言則斯邑山川之美人物之盛文章風俗之厚朴而簡重得托先生行世以傳以遠無疑也予山居病廢先生雅意貧交一歲中書常三四至焉予曾東入魯有遊譜為予刻之濟南及與及門子答問數則又為刻之武林會修中州通志中丞公以予為托予慮不勝任辭之至再先生則移書教予曰此係河洛淵源辭何為也嗟乎予烏乎無辭昔薛方山修浙通志七年始成孫文忠修高陽志亦十餘年始出以示人二子者其文章識力為何如也矧予識闇力薄衰老不文辭固其宜今於新邑志固不敢謬托曰游夏之弗贊也順治庚子春日徵君容城孫奇逢序

舊史氏曰古今載籍惟經與史而六經之中尚書春秋皆史也自馬遷而下曰紀曰書曰考曰志皆史也自通省有志而郡而縣各

新鄉縣志卷首 舊序

八

紀方土軌物不存史之意微矣何以文為鄙舊有志自余侯相始也事出草創其意甚勤而考稽未備于事則近畧于簿書案移則近蔓畧與蔓不可以史即不可以志余承中丞賈公命與傅巖許公商權史編之定為九志輿地則考于郡縣所自始星野則辯於室壁所由分建置粗存其制田賦深究其微河渠則黃沁衛丹利一而害十焉若官師若選舉若人物跡其行事往往足以垂效法式來茲焉夫東璧古稱文章之府牧誓鄙風以來唐宋元明各有著作或存古人風徽或著今人姓氏要以嗣美前代風勵後裔而已舊志七今增星野河渠而九其曰新志者雖出別纂終不敢沒前人之志也順治己亥仲秋既望工部右侍郎邑人張縉彥序

新鄉縣有志舊矣代當鼎革雖山川不改風俗如故而星移物換皆是非不有作者後何以觀大中丞賈公來撫兩河胥省志而

新之已命余書末簡新鄉志寔坦公先生操觚而編次焉舊志與地建置賦役官師選舉人物藝文七則今增星野河渠而九集成題曰新志明有辨也余讀竟作而言曰此春秋之義何可作邑乘觀也披覽歷代方域諸書皆紀其山川風俗人物之美而史法無聞焉以地志而存史法自武功志始今新志倣此意也其文則經其事則史傳其信不傳其疑如虛糧塚蘧瑗里皆舊志之所載而新志之所削也載於今必稽於古如武穆戰壘漢壽亭侯斬將報曹歸劉皆新志之所詳而舊志之所闕也輿地建置必考其沿革見王者非易地而王也星野不信西學廢占驗見聖人敬天而治也賦役有制河渠考舊見良吏不違民而理也紀選舉不以一事繫生平定人物不以官爵分軒輊官師自長吏下及文學丞尉之末一事必書不敢忘焉不敢諛焉其論嚴以正也脩載尚書毛詩

新鄉縣志卷首

舊序

九

諸編其藝文又何雅而馴也古者採風問俗貢之天子而歌於朝廟詩亡而春秋作是史而經者也新志以一邑之記述而關天象災祥人事得失風俗淳駁之大是志而史者也此春秋之義也何可作邑乘觀也順治己亥太僕寺少卿邑人許作梅跋

康熙新鄉縣續志序

新古故朝歌地也周興分北為邶南為鄘而新屬於鄘自漢以後屬河內郡迨隋析置新鄉蓋取諸作新之義云爾其地孟門列其左太行峙其右南望大河美哉洋洋西控上黨雄城百雉斯則一郡之形勢而新與同其勝者也若乃衛水滌帶丹流旋繞稽仙茅之故績闕百源之清輝探奇攬異新固未多讓焉夫古者輶軒所歷必誌其地土風俗以鏡其政治而獻之於王今新擅疆域之美當星輅之衝採風者所必及焉顧使其方名人物殘缺不修其何

以於城方之所攷儲石室之所藏乎維大中丞閣公秉鉞天中體
天子寧民阜物之意日夕孜孜求臻至理利舉弊革乃殷懷于文
而將以光玉燭而輝煌之麟以猥劣承乏茲土捧檄之下蓋
其承其儀也因思夏殷之世有左史右史周則有太史小史內史
而諸侯之國亦置史官今省郡州邑咸以志稱倣古年表紀列傳
志之名而統以志括之是紀傳寓以編年要在繁簡得宜因草互
見如憲檄所稱必信必徵始足傳後旨哉言乎夫由省而府而縣
若大宗之有小宗也若經星之有緯宿也地晰則任專故省府之
志統其綱而縣志必悉其織新邑舊有志矣乃延宿儒耆碩鑿舊
本參近事遵憲檄所頒義例編緝成書或昔無而今有或昔畧而
今詳或昔訛而今正總以無敢慢之心行其無所苟之事而已麟
既乏三長罔識搯觚幸與諸賢證據不棄所願剗剗既施俾斯邑

新鄉縣志卷首 舊序

十

之士若民披覽而指之曰某星某野是吾世澤之所依也若賦若
役吾庶民之所急公也陂澤桑麻吾士女之所沐浴而歌思也人
文之美政治之傳是風氣所以日開而太平所以黼黻也其小人
服先疇君子修德業而官斯土者法戒亦以昭焉異日太史採風
誌銀管列貞珉光前而示後所繫必非淺鮮然則大中丞重修之
檄固于土壤細流將以觀其所積矣昔康熙庚午孟冬知縣遼東
周毓麟序

誌何爲而作也古者採風有使十五國之歌謠貞淫畢具後之人
取一方風土筆之於書以待問俗者之博稽蓋亦有詩意焉古者
列國有史故春秋亦列國之書而孔子因之今之郡縣長古諸侯
也考文徵獻以彰往而察來不可謂非春秋之遺也得詩之意以
法春秋之遺而誌之作於是不可已吾邑古鄆地爲齊附庸自創

置以來屢廢屢建今日南北往來稱孔道焉前代不具論勝國以
及我朝其間雖遠近異時質文異致新舊皆有成書班班可考也
迺已亥而後歷年已三十於茲昔祥漸微後事未登將何以脩觀
覽昭勸戒乎圃臣周侯下車日即有採訪纂輯之意彼時百務方
興修廢舉隆之是亟何暇及此越七載政成矣適會大中丞閻公
以修乘之役徧檄兩河侯於是爰進薦紳先生博採群說摭據佚
文哀舊益新而經營之時則劉子子靜許子紫陽及余小阮羽詵
謹承侯命共襄厥事開局之初走函京師而聞於余余曾作管見
數則以貽之書成復自郵筒賫稿而屬之序余以為吾邑太行之
蜿蜒西來衛源之滌洄東注舉目山河之舊風景原自依然即過
牧野而興思望岳壘而生悲與夫蟾仙石佛新奇可喜之故事亦
無事再為點綴惟是邇來天道不常民生多變如城郭圯矣奠之

新鄉縣志卷首 舊序

十一

金湯者誰與廩庾空矣致之充牣者誰與文教廢而武備弛矣宏
作人之化而靡不虞之戒者誰與蓋時與事兩值其難官與民交
相為瘁矣是編也義例雖不越舊志之遺而一邑中政事損益災
祥徵應田賦戶口之登耗鹽政河渠之格例驛傳胥役之供費官
師人物之隆盛莫不燦然明備而又終以藝文襍志大易臨觀之
後受之以責所謂觀乎人文以化成天下也至夫關風教切民瘼
者則尤其筆削之大端而定皆周侯體國經野之寔政三子者斷
不加浮辭瑣語於其間耳攷其地而如覩康叔武公之遺觀其民
而猶存三代之直寧得曰今之所為志僅政譜也而不可進於經
術也哉余以王事馳驅不獲如願今從千里外樂觀其成嘉吾周
侯深知治體而能不負茲守土也更嘉吾三子諳練故寔儼然為
一方獻章所攸寄也於是乎書昔康熙二十九年孟冬戶部員外

郎邑人任藩序

新鄉縣志卷首舊序

十三

名氏

鑒定

河南等處地方兼提督銜即制金軍務兼理河道都察院右副都御史碩色 滿洲正黃旗人

提督河南全省學政日講官起居注翰林院侍講蔡新 福建漳浦人

河南等處承宣布政使司布政使王興吾 江蘇華亭人

河南等處提刑按察使司按察使今陞安徽布政使舒輅 滿洲正白旗人

河南等處提刑按察使司按察使富明 滿洲鑲黃旗人

河南分守彰衛懷兼管河北河務水利兵備道胡振組 順天大興籍浙江山陰人

河南分巡開歸陳許兼管河務水利兵備道沈青嶸 順天大興人

河南分巡河陝汝兼管水利道張學林 江南丹徒人

河南分巡南汝光兼管水利道崔琳 山西永濟人

新鄉縣志卷首 名氏

新鄉縣志卷首 名氏

河南分巡南汝光兼管水利道任宏業 浙江山陰人

裁定

衛輝府知府廣安 滿洲正黃旗人

衛輝府河捕糧鹽水利通判史奕瓌 江蘇溧陽人

纂修

新鄉縣知縣趙開元 江西奉新人

參訂

州同管縣丞事楊銘侃 江南武進人

儒學教諭潘德人 杞縣人

繪圖

新鄉縣典史韓嘉正 順天大興人

蒐輯

戊 午 利 舉 人 暢 俊 邑人

分編

辛 酉 科 舉 人 郭 均 邑人

丁 卯 科 舉 人 郭 泓 邑人

戊 申 科 拔 貢 生 張 應 棧 邑人

丁 巳 科 貢 生 辛 文 謙 邑人

乙 丑 科 貢 生 李 三 德 邑人

廩 生 王 曰 俞 邑人

廩 生 郭 壘 邑人

附 廩 生 郭 洲 邑人

附 廩 生 張 來 震 邑人

附 廩 生 王 體 異 邑人

新鄉縣志卷之四 名氏

二

附 廩 生 殷 元 禮 邑人

舊脩姓氏

明萬曆己卯志知縣余相編次邑人李承寶郭從可纂集梁問孟郭庭梧參閱

明萬曆甲午志知縣盧大謨教諭唐仁暎訓導陳至言靳有德纂脩邑人梁問孟郭庭梧參閱郭庭檜王毓岐梁賓孟李一桂趙九德張問善梁旭徵南宿郭澆郭磐蒐採

明崇正庚辰志知縣米壽圖編次邑人張問仁郭澆張縉彥參閱梁祚明張絳彥郭士標路嘉言李思謙趙民表趙時英楊美才蒐採

國朝順治己亥新志中丞賈漢復鑒定邑人張縉彥纂許作梅閱滄陽張潛鄢陵韓則愈江寧紀映鍾錢塘王嗣槐杭州張剛孫邑人張鳳起蒐採梁祚明郭士標任文暉楊毓蘭劉源潔南起鳳于

新鄉縣志卷首 姓氏

一

芳劉源湛張欲含周嗣昌參校

康熙癸酉續志知縣周毓麟李登瀛鑒定邑人任昌期劉源淵許爾梅劉孳樞趙作楷纂脩邑人任璿評閱洛陽郭如岳邑人周嗣昌段廷瑄郭晉熙白受采暢泰徵南周南馬斯良馬斯徂王魯參正候官王丹校訂邑人張翼展任瑤白生色孟鏞王三重趙溥仁呂方路所學蒐採